

Najavljujemo



USKORO PRVO JAVNO PREDSTAVLJANE JEDINSTVENOG POSLOVNOG DOGAĐAJA U MOSTARU

TRUCK & BUS SHOW MOSTAR 2023

Pozivamo Vas na prvo javno predstavljanje jedinstvenog poslovnog događaja pod nazivom Truck & Bus Show Mostar 2023. koje će se održati u srijedu, 12.4.2023. s početkom u 12,00 sati u hotelu Mepas, Kneza Višeslava bb u Mostaru.

Riječ je o prvom takvom poslovnom događaju u Bosni i Hercegovini koji će se održati povodom 70 godina ATP - Autoprevoza Teretni promet iz Mostara od 13. – 16. 9. 2023. na više od 10.000 m2 vanjskog i unutrašnjeg izložbeno-prodajnog prostora. Tokom četiri dana na više lokacija, uz Aluminijski kombinat Mostar, osim izložbeno-prodajnog programa, organizirat će se i predstavljanja najnovih vozila iz sektora transporta roba i putnika, te komunalnog programa, prigodne stručne konferencije, diplomatski dan, takmičenje u snazi i spretnosti vozača, izbor najljepših i najoriginalnijih kamiona, proglasit će se najvozač 2023. Posebna pažnja posvećena je i pratećim zabavnim sadržajima poput kuhanja vozačkih gastronomskih specijaliteta, izbora za Miss i Mistera Truck&Bus Show 2023. zatim koncerata, izložbi fotografija, programa za mlade itd. A sve će početi s velikom Parodom kamiona kroz Mostar...

Organizator Truck&Bus Show Mostar 2023. je Truck Adriatic Alliance, a domaćin izložbeno-prodajnog i kulturno-zabavnog programa je ATP - Autoprevoz Teretni promet Mostar, jedna od najstarijih prijevozničkih kompanija u ovom dijelu Evrope.

Pozivamo Vas na planiranje svog dolaska na spomenuto javno predstavljanje projekta kakav još nije viđen na ovim prostorima, gdje ćete moći saznati puno više o ciljevima i mogućnostima nastupa na Truck&Bus Show Mostar 2023. Budite među prvima koji će biti informirani o tom jedinstvenom događaju, ali i prvi koji će saznati detalje iz višednevnog programa od interesa za privredne subjekte iz sektora transporta i logistike Grada Mostara, Hercegovačko-neretvanskog kantona/županije, Bosne i Hercegovine. Ali i Jugoistočne Evrope.

Nekoliko dana prije samog javnog predstavljanja primit ćete i službeni poziv za dolazak. Zato već sada možete rezervirati svoje mjesto u dvorani (broj mjesta je ograničen) slanjem svojeg kontakt broja mobitela, e-maila i naziva poduzeća (iz kojeg ćete doći Vi ili Vaša zamjena) na mostar@truck-show.eu Očekujemo Vas uskoro!

Srdačan pozdrav!

Za Organizacijski odbor:

Danijel Pehar,
domaćin događaja

Josip Kelemen,
izvršni direktor

U Mostaru, 3. 4. 2023.

Kontakt: mostar@truck-show.eu

